

# 'Fluba "flizan nen

## Zan

### -a cren -te

---

<sup>1</sup>An 'bɔ 'gʊɛ, an ya -leglizi min ceje -tʊ -a, mɛɛn 'fluba 'gʊɛ -a cren -te -leglizi nen, Bali -a 'si 'va "bɛ, -yɾɛ. Maan cren -te -a 'bɔ 'lee 'e 'jinɔn lɛ. An 'ka ye "yi 'kpa, 'pian 'an 'saza "cɛɛ dɪ, minnun pɛɛnɔn nen o -si tɪglɪ -tɔa "bɛ "o 'ka ye "yi "nyian. <sup>2</sup>Kɔɔ Bali wei tɪglɪ a -kaa 'ji, ɛn -a -cin yɾa -kaa 'ji 'li 'trilii.

<sup>3</sup>-Kaa "tɪ Bali 'lee 'e 'pɪ Zozi Crizi bɛ, o "yi "dra -cɛɛ, o -kaa nyrinda "sia, ɛn o -fʊdɪ -trɔɔ -nɔan -cɛɛ. -Te -kaa ya -tʊwli 'wɪ tɪglɪ -sru, ɛn -kaa cin ye "yi "bɛ, -a pɛɛnɔn zɪɛ, waa -nɔan -cɛɛ -kpɔ.

#### 'Ka cin yɪ "yi!

<sup>4</sup>An 'ci nran 'kpa, kɔɔ an 'ka -mienun 'yɪ, te o 'ta wula 'wɪ tɪglɪ -sru, "lɛ zɪ -kaa "tɪ a 'vɪ bɛ, -yɛɛ 'wɪ 'zʊ. <sup>5</sup>ɛn 'bɛ nen 'gʊɛ, 'an "bʊɪ Zozinɔn, an 'wɪ "paala 'cɛɛ 'nan, -kaa cin yɪ "yi! -Pei -trɛ "cɛɛ an cɪ -a cren -tɛnan dɪ, 'pian -pei ceje nen -a pou sianan -kaa 'man bɛ, -nyɾɛn. <sup>6</sup>Yɪdɪ "yi "nen maan ve bɛ, -nyɾɛn 'nan, -kaa 'ta wula Bali wei da. -Pei ceje nen -a pou sianan kaa 'man bɛ, -nyɾɛn. 'Ka 'ta wula "da!

#### 'Ka dre "yi minnun nen o Bali 'lewei ve 'wlu 'a bɛ o va

<sup>7</sup>Minnun nen o min see "paaman -e min 'e 'si 'wɪ tɪglɪ -sru "bɛ, o ya "kaga, ɛn o fuila "man 'trɛda. Minnun zɪɛ, o 'ka "vale 'o "we "man 'nan Zozi Crizi nen e -ta 'trɛda bɛ blamin nen dɪ. Min nen yaa dra zɪɛ, Zozi Crizi 'nanmanzan nen, ɛn min nen 'e min see "paaman bɛ -nyɾɛn. <sup>8</sup>'Ka yie 'tɔ 'ka 'fli -va, -e 'ka 'ka -kopa yɪ 'e 'ciɪla "da. -Te ka'a dreɛ dɪɛ, 'wɪ pɛɛnɔn nen -kaa dre bɛ, -a "nen "fo 'e "tun. <sup>9</sup>'Wɪ nen Crizi 'a paa minnun ji bɛ, min nen ya'a 'bɛ "paale minnun ji dɪɛ, 'pian 'e pee 'pa "da "bɛ, te -a san 'lee Bali 'ka min -tʊwli "a dɪ. 'Wɪ nen Crizi 'a paa minnun ji bɛ, min nen yaa

'lein "paaman minnun ji bε, te -a san a min -tuwli "a 'o 'vale -kaa "tɪ 'lee  
 'e 'pɪ -a. <sup>10</sup>-Te min -ta 'ka 'va 'nan, ɛn -yee 'wɪ "paadi a 'e 'pee Crizi 'le vε  
 man bε, te 'ka 'wɪ "man -e 'e 'fʊ 'cee "kɔnnɛn "dɪ, ɛn te 'ka 'bɔ 'tɔ bu "fo "dɪ.  
<sup>11</sup>Kɔɔ min nɛn yaa 'tɔ 'bʊ bε, 'wɪ 'wɪdɪ "nɛn min zɪɛ yaa drɛ bε, te e drɛ o  
 "fli "le vε -a.

<sup>12</sup>'Wɪ "kaga "a 'an 'ji -e 'an vɪ 'cɛɛ, 'pian an 'ka "vale 'an crɛn -tɛa "dɪ. An  
 ya "vale 'an "lo 'ka 'va -e 'an 'wɪ tin 'ba 'cɛɛ 'an 'bɔ 'a, 'dʊ -e -kaa ci 'e "nran  
 'kpa.

<sup>13</sup>'Ka "bʊɪ Zozinɔn nɛn Bali o 'si "va "nyian 'gʊɛ, o "we 'ka 'va.